

天 始 天
台 終 台
四 心 八
教 大 教
儀 要 意




天 臺 山
幽 豁 佛 學 院

四教儀緣起

宋修僧史。僧統贊甯通慧錄云。唐末。吳越錢忠懿王治國之暇。究心內典。因閱永嘉集。有同除四住。此處爲齊。若伏無明。三藏則劣之句。不曉。問於雲居詔國師。乃云。天台國清寺。有寂法師。善弘教法。必解此語。王召法師至詰焉。法師曰。此天台智者大師妙玄中文。時遭安史兵殘。近則會昌焚毀。中國教藏。殘闕殆盡。今惟海東高麗。闡教方盛。全書在彼。王聞之慨然。卽爲遣國書贊幣使高麗。求取一家章疏。高麗國君。乃勅僧曰諦觀者報聘。以天台教部。還歸於越。觀既至。就稟學寂公。於螺谿終焉。大教至是重昌矣。觀能探索大本。錄出四教儀之文。成二卷。其上卷明一家判教立義。下卷明南北諸師。宗途異計。後至孤山圓法師。校勘刊板。但行今上卷之文者。蓋由辭句簡要。義旨易明。學者誠資之。可了其一化大綱。豈曰小補之哉。下卷則破斥南北古師。文義浩漫。故

得以緩之。如此文末指云。自從此下。略明諸家判教儀式。抑可見後卷之大略也。王爲寂師建伽藍螺谿之上。曰定慧院。進號淨光大師。追謚九祖。並東還教藏。悉付於師。教門中興。實基於此。而韶公適與智者同姓。乃又毘贊宗乘。且居鄰佛隴。人咸疑其爲智者後身云。

時教圖



天台四教儀

妙樂十八頓等四教。是此宗判教之大綱。藏等四教。是一家釋義之綱目。若消諸教。但用藏等。其文稍通。若釋法華。無頓等八。舉止失錯。

釋籤三依如來藏。同體權實。大悲願力。隨順物機。不獲已而用。既機宜不同。致法有差降。從一實理。施出權理。權實二理。能詮教殊。故有四種。差別教起。

天台四教儀

高麗沙門諦觀錄

天台智者大師。以五時八教。判釋東流一代聖教。罄無不盡。言五時

者。一、華嚴時。二、鹿苑時。說四阿含三、方等時。說維摩思益楞伽楞嚴四、般若時。

說摩訶般若光讚般若金剛般若大品般若等諸般若經五、法華涅槃時。是爲五時。亦名五味。言八教者。

頓、漸、秘密、不定、藏、通、別、圓。是名八教。頓等四教是化儀。如

世藥方。藏等四教名化法。如辨藥味。如是等義。散在廣文。今依大本。

略錄綱要。初、辨五時、五味、及化儀四教。然後出藏、通、別、圓。

第一、頓教者。卽華嚴經也。從部時味等。得名爲頓。所謂如來。初

成正覺。在寂滅道場。四十一位法身大士。及宿世根熟天龍八部。一時圍繞

。如雲籠月。爾時如來現盧舍那身。說圓滿修多羅教。故言頓教。若約機

約教。未免兼權。謂初發心時。便成正覺等文。爲圓機說圓教。處處說行

布次第。則爲權機說別教。故約部爲頓。約教名兼。此經中云。譬如日出。先照高山。第一。涅槃云。譬如從牛出乳。此從佛出十二部經。一乳。法華信解品云。卽遣旁人。急追將還。窮子驚愕。稱怨大喚等。此領何義。答。諸聲聞在座。如聾若瘖等是也。

第二、漸教者。

此下三時三味總名爲漸

次爲三乘根性。於頓無益。故不動寂場。而

游鹿苑。脫舍那珍御之服。著丈六弊垢之衣。示從兜率降下。託摩耶胎。

住胎、出胎。納妃、生子。出家。苦行六年以後。木菩提樹下。以草爲

座。成劣應身。初在鹿苑。先爲五人。說四諦、十二因緣事六度等教。若

約時則日照幽谷。

第二

若約味則從乳出酪。此從十二部經。出九部修多羅

二略

信解品云。而以方便密遣二人。

聲聞緣覺

形色憔悴。無威德者。汝可詣彼

。徐語窮子。雇汝除糞。此領何義。答、次頓之後。說三藏教。二十年中

。常令除糞。卽破見思煩惱等義也。大明方等部。淨名等經。彈偏斥小。

歡大褒圓。四教俱說。藏爲半字教。通、別、圓、爲滿字教。對牛說滿。

故言對教。若約時，則食時。第三時若約味，則從酪出生酥。此從九部出方等。三生酥味信解品云。過是已後。心相體信。入出無難。然其所止。猶在本處。此領何義。答、三藏之後。次說方等。已得道果。心相體信。聞罵不瞋。內懷慚愧。心漸淳淑。次說般若。轉教付財。融通淘汰。此般若中。不說藏教。帶通別二。正說圓教。約時。則禺中時。第四時約味，則從生酥出熟酥。此從方等之後。出摩訶般若。四熟酥味信解品云。是時長者有疾。自知將死不久。語窮子言。我今多有金銀珍寶。倉庫盈溢。其中多少。所應取與。此領何義。答、明方等之後。次說般若。般若觀慧。卽是家業。空生身子。受敕轉教。卽是領知等也。已上三味。對華嚴頓教。總名爲漸。

第三、秘密教者。如前四時中。如來三輪不思議故。或爲此人說頓。或爲彼人說漸。彼此互不相知。能令得益。故言秘密教。

第四、不定教者。亦由前四味中。佛以一音演說法。衆生隨類各得解。此則如來不思議力。能令衆生。於漸說中得頓益。於頓說中得漸益。如

是得益不同。故言不定教也。然秘密不定二教。教下義理。只是藏、通、別、圓。化儀四教齊此。

次說法華。開前頓漸。會入非頓非漸。故言開權顯實。又言廢權立實

。又言會三歸一。言權實者。名通今昔。意義不同。謂法華已前。權實不

同。大小相隔。如華嚴時。一權一實。別圓實各不相即。大不納小。故小雖

在座。如聾若瘖。是故所說法門。雖廣大圓滿。攝機不盡。不暢如來出世

本懷。所以者何。初、頓部有一麤別一妙。教圓一妙，則與法華無二無別。

若是一麤。須待法華開會廢了。方始稱妙。次、鹿苑。但麤無妙。藏次、

方等。三麤藏通一妙。教圓次、般若。一麤別一妙。教圓來至法華會上。總開會

廢。前四味麤。令成一乘妙。諸味圓教。更不須開。本自圓融。不待開也

。但是部內。兼但對帶故。不及法華。純一無雜。獨得妙名。良有以也。故

文云。十方佛土中。唯有一乘法。無二亦無三。教一正直捨方便。但說無上

道。行但爲菩薩。不爲小乘。人一世間相常住。理一時人未得法華妙旨。但見部

內有三車、窮子、化城等譬。乃謂不及餘經。蓋不知重舉前四時權。獨顯大車。但付家業。唯至寶所。故致誹謗之咎也。約時，則日輪當午。罄無側影。第五時約味，則從熟酥出醍醐。此從摩訶般若出法華。五醍醐味信解品云。聚會親族。卽自宣言。此實我子。我實其父。吾今所有。皆是子有。付與家業。窮子歡喜。得未曾有。此領何義。答、卽般若之後。次說法華。先已領知庫藏諸物。臨命終時。直付家業而已。譬前轉教。皆知法門。說法華時。開示悟入佛之知見。授記作佛而已。

次說大涅槃者。有二義。一、爲未熟者。更說四教。具談佛性。令具眞常。入大涅槃。故名拈捨教。二、爲末代鈍根。於佛法中。起斷滅見。夭傷慧命。亡失法身。設三種權。扶一圓實。故名扶律談常教。然若論時味。與法華同。論其部內。純雜小異。故文云。從摩訶般若。出大涅槃。前法華合此經。爲第五時也。問、此經具四教。與前方等部具說四教。爲同爲異。答、名同義異。方等中四。圓則初後俱知常。別則初不知後方知

。藏、通、則初後俱不知。涅槃中四。初後俱知。問、將五味對五時教。其意如何。答、有二。一者、但取相生次第。所謂牛譬於佛。五味譬教。乳從牛出。酪從乳生。二酥醍醐。次第不亂。故譬五時相生次第。二者、取其濃淡。此則取一番下劣根性。所謂二乘根性。在華嚴座。不信不解。不變凡情。故譬其乳。次至鹿苑。聞三藏教。二乘根性。依教修行。轉凡成聖。故譬轉乳成酪。次至方等。聞彈斥聲聞。慕大恥小。得通教益。如轉酪成生酥。次至般若。奉勅轉教。心漸通泰。得別教益。如轉生酥成熟酥。次至法華。聞三周說法。得記作佛。如轉熟酥成醍醐。此約最鈍根具經五味。其次者。或經一二三四。其上達根性。味味得入法界實相。何必須待法華開會。

上來已錄五味五時。化儀四教。大綱如此。自下明化法四教。

第一、三藏教者。一、修多羅藏。四阿含二、阿毘曇藏。俱舍論三、毘尼

藏。五部律此之三藏。名通大小。今取小乘三藏也。大智度論云。迦旃延子。

自以聰明利根。於婆沙中。明三藏義。不讀衍經。非大菩薩。又法華云。貪著小乘。三藏學者。依此等文。故大師稱小乘爲三藏教。此有三乘根性。初、聲聞人依生滅四諦教。言四諦者。一苦諦。二十五有，依正二報是。言二十五有者。四洲、四惡趣。六欲並梵天。四禪、四空處。無想、五那含。四洲四趣成八。六欲天並梵王天成十五。四禪四空處成二十三。無想天及那含天成二十五。別則二十五有。總則六道生死。一、地獄道。梵語捺洛迦。又語泥黎。此翻苦具。而言地獄者。此處在地之下。故言地獄。謂八寒八熱等大獄。各有眷屬。其類無數。其中受苦者。隨其作業。各有輕重。經劫數等。其最重處。一日之中。八萬四千生死。經劫無量。作上品五逆十惡者。感此道身。二、畜生道。亦云旁生。此道遍在諸趣。披毛戴角。鱗甲羽毛。四足多足。有足無足。水陸空行。互相吞啖。受苦無窮。愚癡貪欲。作中品五逆十惡者。感此道身。三、餓鬼道。梵語闍黎哆。此道亦遍諸趣。有福德者。作山林塚廟神。無福德者。居不淨處。不得飲食。常受鞭打。填河塞海。受苦無量。詔誑心意。作下品

五逆十惡。感此道身。四、阿修羅道。此翻無酒。又、無端正。又、無天
 。或在海岸海底。宮殿嚴飾。常好鬪戰。怕怖無極。在因之時。懷猜忌心
 。雖行五常。欲勝他故。作下品十善。感此道身。五、人道。四洲不同。
 謂東弗婆提壽二百五十歲南閻浮提壽一百歲西瞿耶尼壽五百歲北鬱單越壽一千歲命無中天。聖人不出其中。即八難之一。苦
 樂相間。在因之時。行五常五戒。五常者。仁義禮智信。五戒者。不殺
 、不盜、不邪淫、不妄語、不飲酒。行中品十善。感此道身。六、天道。
 二十八天不同。欲界六天。色界十八天。無色界四天。初、欲界六天者。一、四天王天居須彌山腹二、忉
 利天居須彌山頂。此有三十三天。已上二天。單修上品十善。得生其中。三、夜摩天。四、兜率天。五、化樂天。
 六、他化自在天。已上四天空居。修上品十善。兼坐未到定。得生其中。次、色界十八天。分爲四禪。初禪三
 天。梵衆、梵輔、大梵。二禪三天少光、無量光、光音。三禪三天少淨、無量淨、遍淨。四禪九天無雲、福生、廣果。
已上三天。凡夫住處。修上品十善。坐禪者得生其中。無想天、外道所居。無煩、無熱、善見、善現、色究竟。已
 上五天。第三果居處。上之九天、離欲盡數。未出色籠。故名色界。坐得禪定。故得禪名。三

、無色界四天。

空處、識處、無所有處、非非想。已上四天。只有四陰而無色蘊。故得名也。

上來所釋。從地獄至非非想

天。雖然苦樂不同。未免生而復死。死已還生。故名生死。此是藏教。實

有苦諦。二、集諦者。卽見思惑。又云、見修。又云、四住。又云、染污

無知。又云、取相惑。又云、枝末無明。又云、通惑。又云、界內惑。雖

名不同。但見思耳。初釋見惑。有八十八使。所謂一、身見。二、邊見。三

、見取。四、戒取。五、邪見。

已上利使

六、貪。七、瞋。八、癡。九、慢。十

、疑。

已上鈍使

此十使歷三界四諦下。增減不同。成八十八。謂欲界苦。十使具

足。集、滅、各七使。除身見邊見戒取。道諦八使。除身見、邊見。四諦

下合爲三十二。上二界四諦下。餘皆如欲界。只於每諦下除瞋使。故一界

各有二十八。二界合爲五十六。並前三十二。合爲八十八使也。二、明思

惑者。有八十一品。謂三界分爲九地。欲界合爲一地。四禪四定爲八。共

爲九地。欲界一地中。有九品貪、瞋、癡、慢。言九品者。上上、上中、

上下。中上、中中、中下。下上、下中、下下。上八地各有九品。除瞋使

。故成八十一也。上來見思不同。總是藏教。實有集諦。三、滅諦者。滅前苦集。顯偏真理。因滅會真。滅非眞諦。四、道諦者。畧則戒定慧。廣則三十七道品。此三十七，合爲七科。一、四念處。一、觀身不淨。蘊色二、觀受是苦。蘊受三、觀心無常。蘊識四、觀法無我。蘊行二、四正勤。一、未生惡令不生。二、已生惡令滅。三、未生善令生。四、已生善令增長。三、四如意足。欲、念、進、慧。四、五根。信、進、念、定、慧。五、五力。同上六、七覺支。念、擇、進、喜、輕安七、八正道。正見、正思惟、正語、正業、正精進、正定、正念、正命。已上七科。卽是藏教。生滅道諦。然如前所列。四諦名數。通下三教。但是隨教。廣狹勝劣。生滅無生無量無作不同耳。故向下名數更不再列。然四諦之中分世出世。前二諦爲世間因果。苦果後二諦爲出世間因果。滅果道因問、何故世出世，前果後因耶。答、聲聞根鈍。知苦斷集。慕果修因。是故然也。略明藏教修行，人之與位。初、明聲聞位分二。初凡、二聖。凡又二。外凡內凡。釋外凡中

自分三。初、五停心。一、多貪衆生不淨觀。二、多瞋衆生慈悲觀。三、多散衆生數息觀。四、愚癡衆生因緣觀。五、多障衆生念佛觀。二、別相念處。如前四念處是三、總相念處。一、觀身不淨。受、心、法、皆不淨。乃至

觀法無我。身、受、心，亦無我。中間例知。已上三科名外凡亦名資糧位。二、明內凡者

有四。謂煇、頂、忍、世第一。此四位爲內凡。亦名加行位。又名四善根位。上來內凡外凡。總名凡

位。亦名七方便位。次、明聖位亦分三。一、見道。初二、修道。二三

、無學道。四一、須陀洹。此翻預流。此位斷三界八十八使見惑。見真

諦。故名爲見道。又名聖位。二、斯陀含。此云一來。此位斷欲界九品思中。斷前六品盡。後三品猶在。故更一來。三、阿那含。此云不來。此位斷欲殘思盡。進斷上八地思。四、阿羅漢。此云無學。又云無生。又云殺賊。又云應供。此位斷見思俱盡。子縛已斷。果縛猶在。名有餘涅槃。若

灰身滅智。名無餘涅槃。又名孤調解脫。略明聲聞位竟。次、明緣覺。亦

名獨覺。值佛出世。稟十二因緣教。所謂一、無明。煩惱障二、行。業障業

二支屬三、識。託胎一分氣息四、名色。名是心。色是實。五、六入。六根成六、觸。出胎七、受。

領納前境好惡等事。從識至受。名現在五果。八、愛。愛色男女金銀錢物等事九、取。凡見一切境。皆生取著心。此二未

、有。業已成就。是未來因。屬業道。如過去行。十一、生。未來受生事十二、老死。此是所滅之境。與

前四諦開合之異耳。云何開合。謂無明、行、愛、取、有。此之五支，合爲集諦。餘七支爲苦諦也。旣名異義同。何故重說。爲機宜不同故。緣覺之人。先觀集諦。所謂無明緣行。行緣識。乃至生緣老死。此則生起。若滅觀者。無明滅則行滅。乃至生滅則老死滅。因觀十二因緣。覺眞諦理。故言緣覺。言獨覺者。出無佛世。獨宿孤峯。觀物變易。自覺無生。故名獨覺。兩名不同。行位無別。此人斷三界見思。與聲聞同。更侵習氣。故

居聲聞上。次明菩薩位者。從初發心。緣四諦境。發四弘願。修六度行。一、未度者令度。卽衆生無邊誓願度。此緣苦諦境。二、未解者令解。卽煩惱無盡誓願斷。此緣集諦境。三、未安者令安。卽法門無量誓願學。此緣道諦境。四、未得涅槃者令得涅槃。卽佛道無上誓願成。此緣滅諦境。既已發心。須行行願。於三阿僧祇劫。修六度行。百劫種相好。言三阿無僧祇數劫時者。且約釋迦修菩薩道時。論分限者。從古釋迦至尸棄佛。值七萬五千佛。名初阿僧祇。從此常離女身及四惡趣。常修六度。然自不知當作佛。若望聲聞位。卽五停心總別念處。外次從尸棄佛至然燈佛。值七萬六千佛。名第二阿僧祇。此時用七莖蓮華供養。布髮掩泥。得受記莢。號釋迦文。爾時自知作佛。口未能說。若望聲聞位。卽煥位。次從然燈佛至毗婆尸佛。七萬七千佛。名第三阿僧祇滿。此時自知。亦向人說。必當作佛。自他不疑。若望聲聞位。卽頂位。經如許時。修六度竟。更住百劫。種相好因。修百福成一相。福義多途。難可定判。又云。大千盲人治差。爲